



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNO TUŽILAŠTVO
UNSKO-SANSKOG KANTONA
BIHAĆ

Broj: A- 334/23

Bihać, 19.05.2023. godine

Na osnovu člana 74. i 75. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj: 14/17 i 15/20) i pribavljenu Saglasnost Ministarstva pravosuđa i uprave Unsko-sanskog kantona broj: 07-30-4870-2/23 od 09.05.2023. godine i Mišljenje Ministarstva financija Unsko-sanskog kantona broj: 04-30-4870-3/23 od 15.05.2023. godine, Glavna kantonalna tužiteljica, r a s p i s u j e :

JAVNI OGLAS

za prijem namještenika u radni odnos na neodređeno vrijeme na sljedeća radna mjesta

1. VIŠI REFERENT-TUŽILAČKI ASISTENT-DAKTILOGRAF – 2 (DVA) IZVRŠIOCA

a) Opis poslova radnog mjesta viši referent-tužilački asistent-daktilograf:

- kreira tužilačka pismena po naredbi tužioca;
- prilikom kreiranja pismena formira dostavnice sa bar kodom;
- preuzima i vraća spis u spremište za predmet, po unaprijed pripremljenim listama za svakog tužioca;
- registruje sve podneske primljene u toku saslušanja;
- registruje sve radnje po naredbi tužioca;
- ukoliko se predmeti dostavljaju sudu ili drugom tužilaštvu, kao i licu iz posebnog registra obavezan je koristiti identifikator institucije ili lica kreiran od IKT odjela;
- obavlja daktilografske poslove na prepisu i savnjavanju materijala;
- pravilno i potpuno evidentira sankcije izrečene od strane tužioca maloljetnim licima;
- evidentira u TCMS prateće priloge uz dokumenta i sva lica iz predmeta na koja se dokument odnosi, te provjerava da li podaci iz TCMS-a odgovaraju sadržaju fizičkog spisa;
- obavezan je da dosljedno primjenjuje Pravilnik o TCMS-u;
- obavlja i druge djelimično složene dopunske poslove osnovne djelatnosti iz djelokruga odsjeka po nalogu glavnog tužioca, sekretara Tužilaštva i šefa odsjeka.

b) Posebni uslovi za obavljanje poslova radnog mjesta višeg referenta-tužilačkog asistenta-daktilografa:

- srednja školska sprema, IV stepen-gimnazija i tehnička škola;
- najmanje 10 mjeseci radnog iskustva;

| Bosna i Hercegovina, Federacija Bosne i Hercegovine | Kantonalno tužilaštvo Unsko-sanskog kantona |

Adresa: Bosanska 2, 77000 Bihać, Telefon: 037/222-252 - centrala, Telefon: 037/224-138 - glavni tužilac, Telefaks: +38737/222-270
Elektronska pošta: kt-bihac@pravosudje.ba, Web stranica: kt-bihac.pravosudje.ba

- poznavanje daktilografije po diktatu;
- poznavanje rada na računaru;
- položen stručni ispit.

2. VIŠI REFERENT-VOZAČ – 1 (JEDAN) IZVRŠILAC

a) Opis poslova radnog mjesta viši referent-vozač:

- upravlja motornim vozilom za potrebe Tužilaštva;
- stara se održavanju, tehničkoj ispravnosti i čistoći vozila;
- odgovara za vozilo i opremu koja je po zakonu obavezna za to vozilo;
- u slučaju smanjenog obima posla na radnom mjestu, vozač obavlja kurirske poslove;
- vrši umnožavanje materijala i pomaže u sređivanju arhive i drugih materijala;
- obavlja i druge operativno-tehničke i pomoćne poslove osnovne djelatnosti iz djelokruga Odjeljenja za koje se ukaže potreba, a po nalogu glavnog tužioca, sekretara Tužilaštva i šefa Odjeljenja.

b) Posebni uslovi za obavljanje poslova radnog mjesta višeg referenta-vozača:

- srednja stručna škola za vozača ili VKV/KV-vozač motornog vozila;
- najmanje 10 mjeseci radnog iskustva;
- položen ispit „B“ kategorije.
-

3. OPĆI USLOVI KOJE KANDIDATI MORAJU ISPUNJAVATI:

1. da je državljanin Bosne i Hercegovine,
2. da je stariji od 18 godina,
3. da je zdravstveno sposoban za obavljanje poslova utvrđenih za konkretno radno mjesto,
4. da ima odgovarajuću vrstu i stepen školske spremne,
5. da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini,
6. da nije obuhvaćen odredbom člana IX.1. Ustava BiH,
7. da se ne vodi krivični postupak protiv te osobe.

4. KANDIDATI SU DUŽNI DOSTAVITI SLJEDEĆU DOKUMENTACIJU (ORIGINAL ILI OVJERENE FOTOKOPIJE) KOJOM DOKAZUJU ISPUNJAVANJE OPĆIH I POSEBNIH USLOVA I TO:

- potpisana prijava sa biografijom, uz naznaku na koje radno mjesto se kandidat prijavljuje (obavezno navođenje adrese stanovanja i broja telefona),

- uvjerenje o državljanstvu,
- izvod iz matične knjige rođenih,
- diplomu, odnosno svjedocanstvo o završenoj vrsti i stepenu školske spreme
- ovjerenu fotokopiju važeće vozačke dozvole „B“ kategorija (za poziciju 2),
- potvrda/uvjerenje o radnom iskustvu,
- kao dokaz za tačku 3. podtačke 5. i 6. kandidati su dužni dostaviti ovjerenu pisanu izjavu u smislu zadovoljavanja postavljenih općih uvjeta.

Lica koja su rođena poslije 1980. godine nisu dužna podnositi dokaze o ispunjavanju uvjeta iz tačke 6. (da nije obuhvaćen odredbom člana IX.1. Ustava BiH).

NAPOMENA:

- Sa kandidatima za će se obaviti intervju.
- Izabrani kandidat bit će u obavezi dostaviti ljekarsko uvjerenje da je zdravstveno sposoban za obavljanje poslova konkretnog radnog mjesta prije stupanja na dužnost, kao i uvjerenje o nevođenju krivičnog postupka.
- Sva dokumentacija koja se prilaže uz prijavu mora biti u originalu ili ovjerenoj fotokopiji. Ukoliko se ista prilaže u ovjerenoj fotokopiji, ovjera nadležnog organa ne može biti starija od 6 (šest) mjeseci.

5. ROK TRAJANJA OGLASA

Javni oglas ostaje otvoren 15 (petnaest) dana od dana objavljivanja oglasa na web stranici Kantonalnog tužilaštva Unsko-sanskog kantona.

6. ADRESA ZA PODNOŠENJE PRIJAVA

Prijava na javni oglas može se dostaviti lično u prostorije Kantonalnog tužilaštva Unsko-sanskog kantona u Bihaću, ulica Bosanska br. 2, svakim radnim danom u vremenu od 07,30 do 16,00 sati ili putem pošte preporučeno na adresu Kantonalno tužilaštvo Unsko-sanskog kantona u Bihaću, ulica Bosanska br. 2, sa naznakom:

„Komisiji za provođenje javnog oglasa za prijem namještenika na neodređeno vrijeme za: viši referent-tužilački asistent-daktilograf i viši referent vozač.“

NE OTVARAJ“

Nepotpune i neblagovremene prijave neće se razmatrati.

GLAVNA KANTONALNA TUŽITELJIA

Fadila Amidžić